



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«27» ապրիլ 2022թ.

ք. Երևան, Ս. Դավթի 87Ա

ՈՐՈՇՈՒՄ N 978-1-26

ՎԱՐՉԱԿԱՆ ՎԱՐՈՒՅԹԸ ՎԵՐՍԿՍԵԼՈՒ ԵՎ ԿԱՐՃԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս, քննարկելով ֆիզիկական անձ Լիանա Ստեփանյանի վերաբերյալ վարչական վարույթի նյութերը,

ՊԱՐԶԵՑԻ

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից կազմվող թիվ N59818/2021/ԿՈՒՎ4/Ա արձանագրության՝ ֆիզիկական անձ Լիանա Ստեփանյանի (Հասցե՝ ք. Երևան, Արշակունյաց պ.2. 1, բն.5, ՀԾՀ՝ 7901800232) չկատարված հարկային պարտավորությունը 06.10.2021թ. դրությամբ կազմել է 155,491 դրամ, որից հարկ՝ 145,645 դրամ, տույժ՝ 9,846 դրամ:

Վերոնշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, «բ» կետի՝ ՀՀ պետական եկամուտների կոմիտեի իրավաբանական վարչությունում 03.03.2022 թվականին հարուցվել է վարչական վարույթ՝ չկատարված հարկային պարտավորությունները գանձելու վերաբերյալ ՀՀ հարկային օրենսգրքի 398-րդ հոդվածի 5-րդ մասով նախատեսված վարչական ակտ ընդունելու նպատակով:

Վարչական վարույթի շրջանակներում Լիանա Ստեփանյանը պատշաճ ծանուցվել է Հայաստանի Հանրապետության հրապարակային ծանուցումների պաշտոնական ինտերնետային կայքի, ինչպես նաև փոստային կապի միջոցով, ինչին ի պատասխան գրավոր հայտնել է իր առարկությունները, ներկայացրել վարույթի համար էական նշանակություն ունեցող փաստաթղթեր:

Հաշվի առնելով վերոնշյալ առարկությունում տեղ գտած հարցերի վերաբերյալ տեղեկատվության ստացման անհրաժեշտությունը՝ 31.03.2022 թվականի թիվ 971-Ա որոշմամբ Լիանա Ստեփանյանի նկատմամբ հարուցված վարույթը կասեցվել է՝ ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49 հոդվածի 2-րդ մասով՝ հիմք ընդունելով այն հանգամանքը, որ անհնարին է տվյալ վարույթի արդյունքում ակնկալվող վարչական ակտի ընդունումը, մինչև կասեցման հանգամանքի վերանալը:

Համաձայն իրավաբանական վարչությանը 13.04.2022 թվականին տրամադրված տեղեկատվության՝ Լիանա Ստեփանյանի կողմից վարձակալական գործարքների մասով ներկայացված դադարեցման հիմքերի, ինչպես նաև հիմնավոր բացատրությունների արդյունքում թիվ N59818/2021/ԿՈՒՎ4/Ա արձանագրության շրջանակներում չկատարված հարկային պարտավորություններ առկա չեն:

Հիմք ընդունելով այն հանգամանքը, որ ֆիզիկական անձ Լիանա Ստեփանյանի առարկությամբ ներկայացված հարցերի վերաբերյալ տրամադրվել է տեղեկատվություն, համաձայն որի վերջինս չունի հարկային պարտավորություններ և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49 հոդվածի 3-րդ մասի 2-րդ պարբերությամբ և 50-րդ հոդվածի 2-րդ մասի «բ» կետով՝

ՈՐՈՇԵՑԻ

1. Ֆիզիկական անձ Լիանա Ստեփանյանի նկատմամբ կասեցված վարչական վարույթը վերսկսել և կարճել:
2. Որոշման օրինակը եռօրյա ժամկետում ուղարկել ֆիզիկական անձին:
3. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
4. Սույն որոշումը կարող է բողոքարկվել վարչական մարմին, կամ վերադաս վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70-րդ և 71-րդ հոդվածներով սահմանված կարգով՝ ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱՔԱՆԱԿԱՆ
ՎԱՐՉՈՒԹՅԱՆ ՊԵՏ

Ա.ՄՆԱՑԱԿԱՆՅԱՆ

Ստացա որոշման օրինակը

Ստորագրություն հարկ վճարողի /կամ ֆիզ. Անձի/ պաշտ անձի անուն ազգանուն ամսաթիվ

Կատարող՝
Իրավաբանական վարչության հարկադիր գանձման և
պարտավորությունների կատարման ապահովման բաժին
Սեդա Ասատրյան
հեռ.՝ 010-309-191 (9165)



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ